

VENDIM
Nr. 324, datë 31.5.2023

PËR PËRCAKTIMIN E PAGAVE TË PUNONJËSVE TË PERSONELIT SHQIPTAR TË MISIONEVE DIPLOMATIKE TË REPUBLIKËS SË SHQIPËRISË NË SHTETET E HUAJA, NË PËRFAQËSITË USHTARAKE TË REPUBLIKËS SË SHQIPËRISË PRANË NATO-s, NË ORGANIZATAT NDËRKOMBËTARE DHE NË SHTABET USHTARAKE NDËRKOMBËTARE, SI DHE TË PUNONJËSVE TË TJERË SHQIPTARË PËR KOHËN QË SHËRBEJNË SI NËPUNËS NDËRLIDHËS, SI OFICERË KONTAKTI, SI PËRFAQËSUES TË MINISTRISË PËRGJEGJËSE PËR BUJQËSINË DHE SI PROKUROR NDËRLIDHËS PRANË *EUROJUST* NË HAGË, HOLANDË

Në mbështetje të nenit 100 të Kushtetutës, të shkronjës “a”, të pikës 2, të nenit 8, të ligjit nr. 35/2023, “Për kompetencat për caktimin e pagave, trajtimeve të tjera financiare dhe përfitimeve të të punësuarve në institucionet e administratës publike, si dhe të pagës bazë minimale në shkallë vendi”, të neneve 31, pika 2, dhe 53, pikat 1 e 3, të ligjit nr. 23/2015, “Për shërbimin e jashtëm të Republikës së Shqipërisë”, me propozimin e zëvendëskryeministrit, Këshilli i Ministrave

VENDOSI:

1. Në fushën e veprimit të këtij vendimi përfshihen:
 - a) punonjësit e personelit diplomatik të sistemit të ministrisë përgjegjëse për punët e jashtme në misionet diplomatike të Republikës së Shqipërisë në shtetet e huaja;
 - b) punonjësit e personelit administrativo-teknik të sistemit të ministrisë përgjegjëse për punët e jashtme në misionet diplomatike të Republikës së Shqipërisë në shtetet e huaja;
 - c) ushtarakët e Forcave të Armatosura, si dhe punonjësit civilë të sistemit të Ministrisë së Mbrojtjes (vetëm në rastet kur në strukturë parashikohet përfaqësimi i barasvlershëm me një ushtarak me gradë të caktuar) për kohën që shërbejnë në misionet diplomatike të Republikës së Shqipërisë, në përfaqësinë ushtarake të Republikës së Shqipërisë pranë NATO-s, në stafin ndërkombëtar, stafin ushtarak ndërkombëtar, strukturën e komandës, strukturën e forcës, agjencitë dhe qendrat e NATO-s në organizatat ndërkombëtare dhe rajonale;
 - ç) punonjësit e sistemit të ministrisë përgjegjëse për punët e brendshme, të atashuar në misionet diplomatike të Republikës së Shqipërisë, për kohën që shërbejnë si “oficerë kontakti” pranë ministrive të brendshme homologe të shteteve të ndryshme;
 - d) punonjësit e sekretariatit të ministrisë përgjegjëse për bujqësinë, për kohën që shërbejnë si përfaqësues të kësaj ministrie pranë misionit të Republikës së Shqipërisë në Bruksel;
 - dh) punonjësit e ministrisë përgjegjëse për punët e brendshme dhe ministrisë përgjegjëse për financat, për kohën që shërbejnë si “nëpunës ndërlidhës”, pranë qendrës SECI;
 - e) prokurori i sistemit të prokurorisë për kohën që shërben si “prokuror ndërlidhës” pranë *Eurojust* në Hagë, Holandë.
2. Elementet përbërëse të pagës bruto mujore dhe vlerat për secilin element për punonjësit e përcaktuar në shkronjat “a” dhe “c”, të pikës 1, të këtij vendimi, janë, si më poshtë vijon:
 - a) Paga bazë për gradë dhe apo funksion, e shprehur në dy monedhat kryesore, në euro apo në dollar amerikan, në varësi të vendit ku e ushtrojnë detyrën, sipas përcaktimit, përkatësisht, në lidhjet nr. 1 dhe nr. 4, që i bashkëlidhen këtij vendimi dhe janë pjesë përbërëse të tij;
 - b) Shtesa për koston e jetesës, që është shtesë që jepet në një vlerë të caktuar, në dy monedhat kryesore, në euro apo në dollar amerikan, bazuar në indeksin sipas nivelit të jetesës, sipas kategorizimit të vendit pritës, në masën e përcaktuar në pikën 15 të këtij vendimi.

3. I ngarkuari me punë në misionet diplomatike në vendet me të cilat kemi marrëdhënie në këtë nivel trajtohet në pagë me pagën e gradës “ministër këshilltar”.

4. I ngarkuari me punë a.i., paguhet me një gradë më të lartë se ajo që mban për kohën që ushtron këtë funksion.

5. Paga e atasheut ushtarak nuk mund të jetë më e lartë se paga e punonjësit të personelit diplomatik me gradën “ministër këshilltar” në misionet diplomatike. Në rastet kur ministri i Mbrojtjes, në marrëveshje me ministrin përgjegjës për punët e jashtme, për shkak të ngarkesës së punës, emëron edhe një ndihmës të atasheut ushtarak, paga e ndihmësit të atasheut ushtarak nuk mund të jetë më e lartë se paga e punonjësit të personelit diplomatik me gradën diplomatike “këshilltar” në misionet diplomatike.

6. Trajtimi me pagë, sipas përcaktimeve të këtij vendimi, për punonjësit e përcaktuar në shkronjën “c”, të pikës 1, fillon nga data e mbërritjes në vendin e punës. Deri në këtë datë, punonjësit vazhdojnë të paguhet me pagën e vendit të mëparshëm të punës.

7. Punonjësit e përcaktuar në shkronjën “c”, të pikës 1, të këtij vendimi, kur shkojnë për herë të parë në vendin e punës, marrin si paradhënie një shumë në valutë, të barabartë me pagesën e 15 (pesëmbëdhjetë) ditëve, shumë që e shlyejnë brenda 6 (gjashtë) muajve nga data e fillimit të detyrës. Nëse transferohen në atdhe përpara mbarimit të këtij afati, kundërvlerën e paradhënies së mbetur e shlyejnë në monedhën kombëtare (lekë), sipas kursit të këmbimit valutor, brenda 6 (gjashtë) muajve nga data e kthimit në atdhe.

8. Paga bruto mujore e punonjësve, të përcaktuar në shkronjën “b”, të pikës 1, të këtij vendimi, e shprehur në dy monedhat kryesore, në euro apo në dollar amerikan, në varësi të vendit ku e ushtrojnë detyrën, është sipas lidhjes nr. 2, që i bashkëlidhet këtij vendimi dhe është pjesë përbërëse e tij. Edhe në rastet kur në këto pozicione punësohen shtetas të vendit ku ndodhet misioni diplomatik, ata trajtohen me pagë në të njëjtën masë si punonjësit shqiptarë.

9. Kufijtë e pagës bruto mujore të punonjësve, të përcaktuar në shkronjën “b”, të pikës 1, të këtij vendimi, në rastet kur këta punonjës janë të punësuar me kohë të pjesshme, janë sipas lidhjes nr. 3, që i bashkëlidhet këtij vendimi dhe është pjesë përbërëse e tij. Aplikimi i kufirit maksimal apo minimal të pagës përcaktohet në varësi të ngarkesës së punës, me miratimin e Sekretarit të Përgjithshëm të ministrisë përgjegjëse për punët e jashtme.

10. Elementet përbërëse të pagës bruto mujore dhe vlerat për secilin element të punonjësve, të përcaktuar në shkronjat “ç”, “d” dhe “dh”, të pikës 1, të këtij vendimi janë, si më poshtë vijon:

a) Paga bazë mujore e pozicionit të punës, e shprehur në dy monedhat kryesore, në euro apo në dollar amerikan, në varësi të vendit ku e ushtrojnë detyrën, sipas përcaktimit në lidhjen nr. 5, që i bashkëlidhet këtij vendimi dhe është pjesë përbërëse e tij, duke njësuar atë me pagën bazë për gradë/pozicion të punonjësit të personelit diplomatik me gradën diplomatike “këshilltar” në misionet diplomatike.

b) Shtesa për koston e jetesës, që është shtesë që jepet në një vlerë të caktuar, në dy monedhat kryesore, në euro apo në dollar amerikan, bazuar në indeksin sipas nivelit të jetesës, sipas kategorizimit të vendit pritës, si më poshtë vijon:

i. në masën e përcaktuar në pikën 15, të këtij vendimi, për punonjësit e përcaktuar në shkronjat “ç” dhe “d”, të pikës 1, të këtij vendimi;

ii. në masën 180 (njëqind e tetëdhjetë) euro në muaj, për punonjësit e përcaktuar në shkronjën “dh”, të pikës 1, të këtij vendimi.

11. Trajtimi me pagë, sipas këtij vendimi, për punonjësit e përcaktuar në shkronjat “ç”, “d” dhe “dh”, të pikës 1, fillon përkatësisht, nga data e mbërritjes së tyre në misionin diplomatik apo pranë qendrës SECI. Deri në këtë datë, ata trajtohen me pagën e vendit të mëparshëm të punës.

12. Elementet përbërëse të pagës bruto mujore të punonjësve, të përcaktuar në shkronjën “e”, të pikës 1, të këtij vendimi, janë si më poshtë vijon:

a) Paga bazë mujore, që është paga mujore bruto e pozicionit që prokurori ka mbajtur në momentin e komandimit si “prokuror ndërlidhës”;

b) Shtesa në masën 40 (dyzet) %, që llogaritet mbi pagën bazë mujore, të përcaktuar sipas shkronjës “a”, të kësaj pike.

13. Punonjësit e përcaktuar në shkronjën “e”, të pikës 1, të këtij vendimi, përveç pagës bruto mujore, të përcaktuar në pikën 12 të këtij vendimi, përfitojnë edhe kompensimin për koston e jetesës, në masën 280 (dyqind e tetëdhjetë) euro në muaj.

14. Trajtimi me pagë dhe kompensim për koston e jetesës, sipas këtij vendimi, për punonjësit e përcaktuar në shkronjën “e”, të pikës 1, fillon nga data e fillimit të detyrës së tij pranë *Eurojust*.

15. Masa e shtesës për koston e jetesës për punonjësit e përcaktuar në shkronjat “a”, “c”, “ç” dhe “d”, të pikës 1, të këtij vendimi, është si më poshtë vijon:

Nr. rendor	Klasifikimi i vendeve	Kompensimi (euro/dollar amerikan/muaj)
1	Për vendet e grupit të parë	360 euro/USD
2	Për vendet e grupit të dytë	320 euro/USD
3	Për vendet e grupit të tretë	280 euro/USD
4	Për vendet e grupit të katërt	240 euro/USD
5	Për vendet e grupit të pestë	180 euro/USD

16. Grupimi i vendeve, për efekt të përfitimit të shtesës për koston e jetesës, për:

a) punonjësit e përcaktuar në shkronjën “a”, të pikës 1, të këtij vendimi, është sipas lidhjes nr. 6, që i bashkëlidhet këtij vendimi dhe është pjesë përbërëse e tij;

b) punonjësit e përcaktuar në shkronjën “c”, të pikës 1, të këtij vendimi, është sipas lidhjes nr. 7, që i bashkëlidhet këtij vendimi dhe është pjesë përbërëse e tij;

c) punonjësit e përcaktuar në shkronjat “ç” dhe “d”, të pikës 1, të këtij vendimi, është sipas lidhjes nr. 8, që i bashkëlidhet këtij vendimi dhe është pjesë përbërëse e tij.

17. Punonjësit e personelit diplomatik, të cilët shërbejnë në misionin e përhershëm të Republikës së Shqipërisë në Organizatën e Kombeve të Bashkuara, në *New York*, për një periudhë dyvjeçare të anëtarësisë së Republikës së Shqipërisë në Këshillin e Sigurimit, për periudhën deri më 15 janar 2024, përfitojnë një shpërblim mujor, në masën e përcaktuar në lidhjen nr. 9, që i bashkëlidhet këtij vendimi dhe është pjesë përbërëse e tij.

18. Paga mujore bruto e punonjësve, që përfshihen në fushën e veprimit të këtij vendimi, i nënshtrohet tatimit mbi të ardhurat personale, sipas legjislacionit në fuqi. Në bazë të saj do të paguhet edhe detyrimet për sigurimet shoqërore dhe shëndetësore.

19. Vendimi nr. 546, datë 11.8.2011, i Këshillit të Ministrave, “Për përcaktimin e pagave dhe shtesave mbi pagë të punonjësve të përfaqësive diplomatike të Republikës së Shqipërisë në shtetet e huaja, të atashëve ushtarake të Forcave të Armatosura të Republikës së Shqipërisë dhe personelit civil të Ministrisë së Mbrojtjes që shërbejnë në përfaqësitë ushtarake të Republikës së Shqipërisë pranë NATO-s, në organizatat ndërkombëtare dhe në shtabet ushtarake ndërkombëtare, të punonjësve shqiptarë për kohën që shërbejnë si nëpunës ndërlidhës pranë qendrës SECI, të punonjësve shqiptarë për kohën që shërbejnë si oficerë kontakti, pranë ministrive të brendshme homologe të shteteve të ndryshme të atashuar në përfaqësitë diplomatike të Republikës së Shqipërisë, të punonjësve të sekretariatit të ministrisë përgjegjëse për bujqësinë dhe zhvillimin rural për kohën që shërbejnë si përfaqësues të kësaj ministrie pranë misionit të Republikës së Shqipërisë në Bruksel dhe prokurori i sistemit të prokurorisë për kohën që shërben si prokuror ndërlidhës pranë *Eurojust* në Hagë, Holandë”, i ndryshuar, shfuqizohet.

20. Efektet financiare, që rrjedhin nga zbatimi i këtij vendimi, fillojnë nga data 1 prill 2023 dhe për vitin 2023 të përballohen:

a) për sistemin e Ministrisë së Mbrojtjes, nga fondet e akorduara për këtë ministri, për këtë vit;

b) për institucionet e tjera, nga fondet e kontingjencës, të miratuara për vitin 2023.

21. Ngarkohen Ministria për Evropën dhe Punët e Jashtme, Ministria e Mbrojtjes, Ministria e Brendshme, Ministria e Bujqësisë dhe Zhvillimit Rural, Ministria e Financave dhe Ekonomisë dhe Prokuroria e Përgjithshme për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

ZËVENDËSKRYEMINISTËR
Belinda Balluku

Lidhja nr. 1

**Paga bazë për gradë/funksion e punonjësve të përcaktuar në shkronjën “a”, të pikës 1,
të këtij vendimi**

Pozicioni/grada	Paga bazë për gradë/funksion (në euro)	Paga bazë për gradë/funksion (në dollar USD)
Ambasador	3 530	4 300
Konsull i Përgjithshëm.	2 730	3 290
Ministër Fuqplotë. Ministër Këshilltar.	2 180	2 630
Këshilltar.	1 820	2 310
Sekretar i Parë. Konsull.	1 540	1 840
Sekretar i Dytë. Zëvendëskonsull.	1 190	1 500
Sekretar i Tretë. Agjent Konsull.	1 075	1 310
Atashe.	960	1 180

Lidhja nr. 2

**Paga bruto mujore e punonjësve të përcaktuar në shkronjën “b”, të pikës 1, të këtij vendimi
(në rastin kur janë të punësuar me kohë të plotë)**

Pozicioni	Paga bruto mujore (në euro)				
	Grupi 1	Grupi 2	Grupi 3	Grupi 4	Grupi 5
Sekretar teknik. Financier. Specialist.	1 330	1 270	1 210	1 170	1 090
	Paga bruto mujore (në dollar USD)				
	1 490	1 430	1 380	1 340	1 270
Shofer.	Paga bruto mujore (në euro)				
	1 270	1 200	1 140	1 100	1 020
	Paga bruto mujore (në dollar USD)				
	1 430	1 360	1 300	1 280	1 190
Kafaz	Paga bruto mujore (në euro)				
	1 050	1 000	950	900	840
	Paga bruto mujore (në dollar USD)				
	1 160	1 110	1 060	1 020	940

Lidhja nr. 3

**Kufijtë e pagës bruto mujore të punonjësve të përcaktuar në shkronjën “b”, të pikës 1, të këtij vendimi
(në rastin kur janë të punësuar me kohë të pjesshme)**

Pozicioni	Paga bruto mujore	
	Kufiri minimal	Kufiri maksimal

Sekretar teknik. Financier. Specialist.	Në euro	
	480	750
	Në dollar USD	
	530	820
Punonjës pastrimi.	Në euro	
	380	500
	Në dollar USD	
	400	550

Lidhja nr. 4

Paga bazë për gradë e punonjësve të përcaktuar në shkronjën “c”, të pikës 1, të këtij vendimi

Grada	Paga bazë (në euro)	Paga bazë (në dollar USD)
Përfaqësitë e NATO-s		
Gj. lejtant	3 300	3 990
Gj. major	3 235	3 850
Gj. brigade	3 025	3 625
Përfaqësitë e tjera		
Kolonel	2 480	3 040
Nënkolonel	2 365	2 835
Major	1 960	2 340
Kapiten	1 820	2 310
Toger	1 715	2 100
Nëntoger	1 590	1 975
K/kapter	1 715	2 100
Kapter	1 540	1 860
Rreshter	1 315	1 540
Tetar	1 075	1 305
Nëntetar	960	1 180

Lidhja nr. 5

Paga bazë mujore e punonjësve të përcaktuar në shkronjat “ç”, “d” dhe “dh”, të pikës 1, të këtij vendimi

Emërtimi	Paga bazë mujore e pozicionit (në euro)	Paga bazë mujore e pozicionit (në dollar USD)
Oficer kontakti.		
Përfaqësues të sekretariatit të ministrisë përgjegjëse për bujqësinë dhe zhvillimin rural.	1 820	2 310
Nëpunës ndërlidhës.	1 820	

Lidhja nr. 6

Grupimi i vendeve për efekt të përfitimit të shtesës për koston e jetesës për punonjësit e përcaktuar në shkronjën “a”, të pikës 1, të këtij vendimi

Grupi 1	Grupi 2	Grupi 3	Grupi 4	Grupi 5
1. Misoni NY	1. Vjenë	1. Bruksel	1. Zagreb	1. Shkup
2. Londër	2. Misioni OSBE	2. Nato	2. Kajro	2. Prishtinë
3. Gjenevë	3. Uashington	3. Athinë	3. Janinë	3. Sofje
4. Kopenhagen	4. Paris	4. Ankara	4. Bari	4. Podgoricë
5. Bernë	5. Romë	5. Hagë	5. Riad	5. Bukuresht
6. Moskë	6. Strasburg	6. Stokholm	6. Katar	
7. Pekin	7. Berlin	7. Varshavë	7. Kuvajt	

8. Tokio 9. Milano 10. Stamboll 11. Kambera	8. Madrid 9. Otava 10. UNESCO 11. Vatikan 12. Brazil 13. Mynih	8. Budapest 9. Pragë 10. Beograd 11. Selanik 12. Tel-Aviv 13. Bratislavë 14. Lubjanë 15. Kiev	8. EBA	
--	---	--	--------	--

Lidhja nr. 7

Grupimi i vendeve për efekt të përfitimit të shtesës për koston e jetesës për punonjësit e përcaktuar në shkronjën “c”, të pikës 1, të këtij vendimi

Grupi 1	Grupi 2	Grupi 3	Grupi 4	Grupi 5
1. Londër 2. Gjenevë 3. Moskë 4. Stamboll 5. Milano 6. Nortfolk - Virginia	1. Vjenë 2. Uashington 3. Paris 4. Romë 5. Berlin 6. Madrid 7. Napoli 8. Oberamergau 9. Brunsum 10. Florida SHBA 11. Wiesbaden 12. Ramstein 13. Lile 14. Talin 15. Ferrara (Bolonjë)	1. Bruksel 2. Nato 3. Athinë 4. Ankara 5. Hagë 6. Stokholm 7. Varshavë 8. Budapest 9. Mons 10. Selanik	1. Zagreb 2. Izmir	1. Shkup 2. Bukuresht 3. Sofje 4. Kumanovë 5. Sarajevë

Lidhja nr. 8

Grupimi i vendeve për efekt të përfitimit të shtesës për koston e jetesës për punonjësit e përcaktuar në shkronjat “ç” dhe “d”, të pikës 1, të këtij vendimi

Grupi 1	Grupi 2	Grupi 3	Grupi 4	Grupi 5
1. Londër 2. Gjenevë 3. Kopenhagën 4. Berne 5. Moskë 6. Pekin 7. Tokio 8. Milano 9. Stamboll	1. Vjenë 2. Uashington 3. Paris 4. Romë 5. Strasburg 6. Berlin 7. Madrid 8. Otava	1. Bruksel 2. Nato 3. Athinë 4. Ankara 5. Hagë 6. Stokholm 7. Varshavë 8. Budapest 9. Pragë 10. Beograd 11. Selanik 12. Tel-Aviv 13. EUROPOL	1. Zagreb 2. Kajro 3. Janinë 4. Bari 5. K. Lumpur 6. Riad	1. Shkup 2. Prishtinë 3. Sofje 4. Podgoricë 5. Buenos Aires 6. Bukuresht

Lidhja nr. 9

Masa e shpërblimit mujor për çdo pozicion të personelit të shërbimit diplomatik, në misionin e përhershëm të Republikës së Shqipërisë, pranë OKB-së, në *New York*, për periudhën deri më 15 janar 2024

	Pozicioni/grada	Shpërblimi mujor në vlerë (në dollar USD)
1	Ambasador	1 230
2	Ministër Fuqiplotë	940

	Ministër Këshilltar	
3	Këshilltar	830
4	Sekretar i Parë	660
5	Sekretar i Dytë	540
6	Sekretar i Tretë	470
7	Atashe	420